

Sarajevo, 19-08-2020

Broj: 01-11-3-37262

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17) na prijedlog Komisije za javnu nabavku Izvještaj br. 10-33-4-36973 od 18.08.2020. godine, Generalna direktorica donosi:

### **ODLUKU**

o izboru najpovoljnijeg ponuđača  
za nabavku PIN izvora Ge-68 za kalibraciju PET/CT-a aparata Discovery 600 proizvođača General Electrics za potrebe Klinike za nuklearnu medicinu i endokrinologiju KCUS-a

#### **I**

Prihvata se prijedlog Komisije za nabavku PIN izvora Ge-68 za kalibraciju PET/CT-a aparata Discovery 600 proizvođača General Electrics za potrebe Klinike za nuklearnu medicinu i endokrinologiju KCUS-a, po Izvještaju br. 10-33-4-36973 od 18.08.2020. godine, nakon provedenog postupka javne nabavke putem konkurentskog zahtjeva i ugovor dodjeljuje najpovoljnijem ponuđaču:

#### **MEDICAL d.o.o. Mostar**

**Vrijednost nabavke: 24.800,00 KM + 4.216,00 KM (PDV-a) = 29.016,00 KM sa PDV-om**

**Rok isporuke :** 45 dana od dana potpisivanja ugovora i prijema narudžbenice

**Način plaćanja:** odgođeno 60 dana po ispostavljenom računu, a nakon nabavke, isporuke, ugradnje/zamjene pin izvora Ge-68..

#### **II**

Izabrani ponuđač dužan je u roku od 5 (pet) dana od dana prijema ove Odluke, dostaviti original ili ovjerene kopije dokaza tražene tačkom 2.2 Tenderske dokumentacije, ukoliko istu nisu predali uz ponudu, u skladu sa dostavljenom Izjavom ponuđača, a ne starijih od 3 mjeseca računajući od momenta predaje ponude.

#### **III**

Ova Odluka stupa na snagu danom donošenja i bit će objavljena na web stranici KCUS-a putem web stranice Kantona Sarajevo, kao i dostavljena ponuđačima učesnicima postupka javne nabavke.

### **O B R A Z L O Ž E N J E**

U skladu sa Odlukom Generalne direktorice KCUS-a broj: 01-04-4-34459 od 29.07.2020. godine, pokrenut je postupak javne nabavke PIN izvora Ge-68 za kalibraciju PET/CT-a aparata Discovery 600 proizvođača General Electrics za potrebe Klinike za nuklearnu medicinu i endokrinologiju KCUS-a. Procijenjena vrijednost nabavke je 25.000,00 KM bez PDV-a. Nabavka je planirana Planom javnih nabavki za 2020. god. pod klasifikacijom robe redni br 54. (Odluka o usvajanju Plana javnih nabavki Kliničkog centra Univerziteta u Sarajevu za 2020 godinu, broj: 569/20 protokol br. 04-2-32337/20).

Klinički centar Univerziteta u Sarajevu je na portalu E-nabavke dana 05.08.2020.godine objavio Obavještenje o nabavci broj: 893-7-1-555-3-296/20.

Tendersku dokumentaciju sa portala e-nabavke preuzela su 3 (tri) potencijalna ponuđača, a do krajnjeg roka određenog za prijem ponuda, dana 18.08.2020. godine do 08,30 sati, dostavljena je 1 (jedna) ponuda ponuđača: MEDICAL d.o.o. Mostar (broj protokola: 10-11-3-36881 dana 18.08.2020 u 8,00 sati)

*Miroslav Lalić*

Komisija imenovana Odlukom broj: 01-04-4-36203 od 12.08.2020 godine je izvršila uvid i provjeru svakog dostavljenog dokumenta i ustanovila da dostavljena ponuda ponuđača Medical d.o.o. Mostar sadrži tražene elemente ponude i ispunjavaju formalno pravne i tehničke zahtjeve postavljene tenderskom dokumentacijom, te je prihvatljiva i učestvuje u daljem toku javne nabavke.

Obzirom da je za postupak nabavke dostavljena 1 ponuda, u skladu sa Članom 3. stav (3) Pravilnika o uslovima i načinu korištenja e-aukcije („Službeni glasnik BiH“, broj 66/16) nije bilo moguće zakazati postupak e-aukcije, pa se postupak nabavke okončava u skladu sa članom 69. stav 1)a) ZJN.

Obzirom da je zadovoljena transparentnost i da je cijena prihvatljive, jedine ponude u okviru osiguranih sredstava za nabavku, Komisija je Izvještajem br. 10-33-4-36973 od 18.08.2020. godine dala prijedlog, da se donese odluka o izboru najpovoljnijeg ponuđača i ugovor dodjeli ponuđaču MEDICAL d.o.o. Mostar.

Prijedlog Komisije je prihvaćen i donosi se odluka kao u dispozitivu.



**POUKA O PRAVNOM LIJEKU:** Protiv ove Odluke može se izjaviti žalba, najkasnije u roku od 5 (pet) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđaču;
- Tehnički sektor
- a/a KCUS

*Almas Hadžić*